

I^{er} Congrès Internacional VulneRom :
Vulnerabilitats sociolingüísticas dins l'espaci roman.
« Construcció, desconstrucció, reconstrucció : iniciatives
ascendentes »
Universitat d'Oviedo
los 19 e 20 de junh de 2025
PRIMIÈRA CIRCULARA

Presentacion

L'Universitat d'Oviedo e l'Universitat Paul-Valéry de Montpelhièr (Laboratòri DIPRALANG, EA 739) organizan lo I^{er} Congrès Internacional VulneRom : Vulnerabilitats sociolingüísticas dins l'espaci roman. « Construcció, desconstrucció, reconstrucció : iniciatives ascendentes », que se debanarà dins la Facultat de Filosofia e Letras de l'Universitat d'Oviedo los 19 e 20 de junh de 2025.

Lo I^{er} Congrès Internacional VulneRom : Vulnerabilitats sociolingüísticas dins l'espaci roman se vòl un rescontre academic d'interaccion, d'escambi e de reflexion sus l'estudi etnosociolingüistic de las lengas romanicas que se trapan en situacion de fragilitat per de rasons diversas (demograficas, economicas, politicas, geograficas, e mai climaticas, entre autras), que pòdon menar per ensems a la desaparicion d'aquelas lengas, a tèrme cort o long.

Lo tractament de la question de la vulnerabilitat, aplicat dins l'encastre d'una familha de lengas, coma la familha romanica, dins de situacions de contacte lingüistic, pòrta una reflexion complementària suls factors intralingüistics e interlingüistics que se pòrián repercutir sus l'estatut de las lengas mai socialament e sociolingüisticament desfavorizadas, o mai èsser emplegats per las discreditar.

Objectius

L'objectiu de la primièira edicion del Congrès *VulneRom*, titolada « Construcció, desconstrucció, reconstrucció : iniciatives ascendentes », es d'aprigondir las formas novèlas d'intervencion sociolingüistica, amb una orientacion ascendenta, que se desvolopan dins de contèxtes diglossics que la situacion i es fòrça vulnerabla. Nos desiram concentrar, en particular, sus la natura d'aquelles *microactes glotopolitics* (Alén Garabato e Boyer 2020) promoguts per d'agents non institucionals, que participan a la construcció, la desconstrucció e la reconstrucció de lor realitat sociolingüistica locala, e que (re)conquistan d'espacis discursius nòus e desvolopan d'usatges novèls de la lenga minor(iz)ada.

Las contribucions de natura teorica o empirica que estudian lo ròtle actiu dels locutors e de la societat civila dins los procèssus de revitalizacion e de normalizacion sociala d'una o mai d'una lenga romànica en situacion de conflicte diglossic avançat seràn planvengudas, subretot se aquelas contribucions prenon en compte una perspectiva diacronica e/o comparatista. Mai precisament, priorizarem l'analisi transdisciplinària dels discors, de las representacions e de las practicas lingüísticas que pòdon rendre compte d'aqueles usatges novèls. L'objectiu es de precisar lo sens d'aqueles usatges dins las dinamicas socialas que pòdon tocar cada lenga, sens cap se limitar a establir un inventari simple o a presentar una descripcion sens reflexion critica.

Sens cap de dopte, l'escritura contribuís a la legitimacion de las lengas minoritàrias, que la preséncia dins l'espaci public se'n pòt interpretar coma un simbòl de lor situacion sociala. Mas pr'aquò, lo *païsatge escrich urban* (Boyer 1984) es tanben un espaci privilegiat de revendicacion sociolingüística. Dins aqueste encastre de reflexion, trobaràn lor plaça los estudis que vòlon examinar l'efièch d'aqueles usatges novèls sus la transformacion del païsatge (socio)lingüistic (Landry e Bourhis 1997) de cada territòri.

Aisses de trabalh

Per exemple e d'un biais non exhaustiu, los aisses de discussion següents son prepausats coma objectes d'estudi pel I^{er} Congrès VulneRom :

1. Quins tipus d'expressions artisticas e culturalas (cinèma, musica, teatre, etc.) existisson dins la lenga vulnerable e cossí contribuan aquelas expressions a las dinamicas sociolingüísticas que tòcan aquela lenga ? Cossí avalorar l'impacte de las activitats artisticas e culturalas sus la vida de las lengas vulnerablas ?
2. Cossí s'organizan los diferents actors del mond associatiu per revendicar l'ensenhament d'una lenga vulnerable ? Quinas activitats desvolopan e amb quins mejans ? Quin es l'impacte de lors accions glotopoliticas ?
3. Quin impacte an las novèlas tecnologias de l'informacion e de la comunicacion (TIC) sus la vida de las lengas vulnerablas ? Quins son los usatges novèls generats e cossí se repercutisson dins las dinamicas relacionals e las estrategias comunicativas dels actors sociolingüistics ?
4. Quins usatges de las lengas vulnerablas s'observan sul mercat (comèrci, artesanat, torisme...) ? Quin pòt èsser l'impacte d'aqueles usatges sus la vida de las lengas vulnerablas ? Quina relacion existís entre la practica d'una lenga vulnerable e sa revendicacion dins aqueles usatges novèls ?
5. Cossí las lengas vulnerablas pòdon contribuir al desvolopament dels territòris que se tròban dins una situacion de vulnerabilitat (demografica, economica o altra) ?

6. Quin es lo ròtle dels neo-locutors de la lenga vulnerabla dins lor contèxte sociolingüistic? Quora e amb qual practican la lenga? Quin impacte an lors usatges lingüistics sus l'avenidor de la lenga?
7. Cossí la lenga vulnerabla subrepassa lo paísatge (socio)lingüistic de son territòri? Quina importància an aquelas practicas escripturalas dins la vida de la lenga vulnerabla?

Mots-claus

Lengas romanicas, diglossia, lengas minorizadas, vulnerabilitat, practicas lingüísticas, microactes glotopolitics, representacions sociolingüísticas, paísatge lingüistic, identitèmas, patrimonializacion, didactica de las lengas-culturas.

Qualques referéncias

Alén Garabato, Carmen, Henri Boyer, Eugenia Bojoga, Déborah González Martínez, Charmaine Lee, Rosa María Medina Granda, Mathias Valiente (2019). Une histoire sociale des langues romanes. Genèse, construction et évolution sociolinguistiques d'une famille de langues. Université Paul-Valéry Montpellier 3, Université Ouverte des Humanités. <https://langues-romanes.uoh.univ-montp3.fr/>

Alén Garabato, Carmen y Djordjevic Léonard, Ksenija (eds.). (2022), Agir en terrains vulnérables. Enquêtes et études ethnosociolinguistiques. L'Harmattan.

Alén Garabato, Carmen y Boyer, Henri (2020). Le marché et la langue occitane au vingt- et-unième siècle: microactes glotopolitiques contre substitution: une enquête ethnosociolinguistique en région Occitanie. Lambert-Lucas.

Becker, Lidia, del Valle, José y Knauer, Gabriele (eds.). (2022). La mirada glotopolítica, continuidad y renovación de la romanística / Le regard glotopolitique, continuité et renouveau de la romanistique. Peter Lang.

Boyer, Henri (1984). De l'autonomie du scriptural. Communication et texte écrit. Les pôles de la communication sociale. Les circonstances de la communication. Principe de scription et principe d'écriture. Stratégies d'écriture. En Robèrt Lafont (dir.), Anthropologie de l'écriture (pp. 133-160). Centre de Création Industrielle, Centre Georges Pompidou.

Esher, Louise y Sibille, Jean (eds.). (2024). Manuel de linguistique occitane. De Gruyter.

Giralt, Javier y Nagore, Francho (coords.). (2019). La normalización social de las lenguas minoritarias: Experiencias y procedimientos para la salvaguarda de un patrimonio inmaterial. Publicaciones de la Universidad de Zaragoza.

Heller, Monica (2003). Globalization, the new Economy and the Commodification of Language and Identity. *Journal of sociolinguistics*, 7(4), 473-492.
<https://doi.org/10.1177/0261927X970161002>

Klump, Andre, Kramer, Johannes y Willems, Aline (eds.). (2014). *Manuel des langues romanes*. De Gruyter.

Kremnitz, Georg (2023). *Aufstieg und Fall der „kleineren“ Sprachen Europas: Die Veränderungen der Zielsetzungen von sprachlichen Renaissance-Bewegungen aufgrund der Veränderungen der Kommunikationsbedingungen*. Praesens Verlag.

Kremnitz, Georg, Alen Garabato, Maria Carmen, Bochmann, Klaus, Boyer, Henri, Broudic, Faïch et al. (Dir.) (2013). *Histoire sociale des langues de France*. PUR.

Landry, Rodrigue y Richard Y. Bourhis (1997). Linguistic landscape and ethnolinguistic vitality: an empirical study. *Journal of Language and Social Psychology*, 6, 23-49.

Muljačić, Žarko (2004). La dynamique des langues romanes. En Jean-Michel Eloy (dir.), *Des langues collatérales. Problèmes linguistiques, sociolinguistiques et glottopolitiques de la proximité linguistique*. Actes du Colloque international réuni à Amiens, du 21 au 24 novembre 2001. Vol. 2 (pp. 299-314). L'Harmattan.

Lengas de comunicacion

Las intervencions se pòdon presentar dins una lenga romanica quina que siá, a condicion que siá segur que lo contengut de l'intervencion pòsca èsser comprés per aqueles que parlan pas aquela lenga. Es per aquò que recomandam d'acompanhar la presentacion oral amb un supòrt escrit dins una altra lenga romanica.

Proposicions de participacion

Las personas interessadas per presentar d'òbras pel I^{er} Congrès VulneRom pòdon mandar lor proposicion de comunicacion o lor aficha/poster a l'adreça e-mail : vulnerom@gmail.com, en jonhent dos fichièrs (format Word, Open Office o equivalent) dins un messatge unenc :

1. Un document anonim amb la proposicion de comunicacion o lo poster. Comprendrà las donadas següentas : títol, ais tematic, resumit (max. 3000 signes, espacis compreses), mots-claus (max. 5) e referéncias bibliograficas (max. 5). Los resumis deuràn inclure, al minimum, las informacions següentas : problematica d'analizar ; objectiu(s) de recèrca ; encastre teoric e metodologic ; resultas e discussion.
2. Una ficha tecnica, contenent : lo nom d'ostal e lo pichon nom de cada participant, l'afiliacion institucionala, l'e-mail e la modalitat d'intervencion causada (comunicacion o poster).

Las comunicacions duraràn 30 minutas, amb un maximum de 20 minutas de presentacion e 10 minutas de discussion.

Los posters/afichas seràn expausats del temps del Congrès e un moment serà servat per la discutida amb los autors.

Calendèr

- Data limita per la somission de las proposicions : lo 10 de març de 2025. Aquestas proposicions seràn somesas a un procès d'avaloracion pels pars e poiràn tanben èsser presas en compte per una publicacion posteriora derivada del I^{er} Congrès *VulneRom* (aprèp una avaloracion dobla anonima dels tèxtes prepausats).
- Anóncia de las resultas de l'avaloracion : serà comunicada als autors abans lo 11 d'abrial de 2025.

Inscripcion e modalitat de pagament

Un drech unenc d'inscripcion de 90 euròs es establít per la presentacion d'una comunicacion o d'un poster. Las informacions sus las datas d'inscripcion seràn comunicadas dins las circularas ulteriores.

Contacte per tota demanda d'informacions

Las demandas d'informacions se pòdon mandar a l'adreça seguenta : [**vulnerom@gmail.com**](mailto:vulnerom@gmail.com)

Comitat d'organizacion

Carmen Alén Garabato (Université de Montpellier Paul Valéry)

Rosa María Medina Granda (Universidad d'Uviéu)

Gonzalo Llamedo Pandiella (Universidad d'Uviéu)

Comitat scientific

Xosé Afonso Álvarez Pérez (Universidad de Alcalá de Henares)

Carmen Alén Garabato (Université de Montpellier Paul Valéry)

Ramón de Andrés Díaz (Universidad d'Uviéu)

Eugenia Bojoga (Universitatea "Babeş-Bolyai" din Cluj-Napoca)

Henri Boyer (Université de Montpellier Paul Valéry)

Fernando Brissos (Universidade de Lisboa)
Iris Orosia Campos Bandrés (Universidad de Zaragoza)
Aitor Carrera i Baiget (Universitat de Lleida)
James Costa (Université Paris 3 Sorbonne Nouvelle)
José Enrique Gargallo Gil (Universitat de Barcelona)
Javier Giralt Latorre (Universidad de Zaragoza)
Alberto Gómez Bautista (Universidade de Aveiro)
Georg Kremnitz (Universität Wien)
Jean Léo Léonard (Université de Montpellier Paul Valéry)
Hervé Lieutard (Université de Montpellier Paul Valéry)
Gonzalo Llamedo Pandiella (Universidá d'Uviéu)
Rosa María Medina Granda (Universidá d'Uviéu)
Francho Nagore Laín (Universidad de Zaragoza)
Bénédicte Pivot (Université de Montpellier Paul Valéry)
Coraline Pradeau (Université de Rouen Normandie)
Matteo Rivoira (Università degli Studi di Torino)
Alain Viaut (Centre National de la Recherche Scientifique – France)
Xulio Viejo Fernández (Universidá d'Uviéu)
Laura Villa Galán (Universidad Autónoma de Madrid)
Valeria Villa-Pérez (Université Bordeaux Montaigne)